

保嬰撮要

保嬰撮要卷之五

薛氏醫案

吳郡薛鎧集

薛已驗

江

都

吳中珩校

鶴膝行遲

錢仲陽云鶴膝者乃稟受腎虛血氣不充致肌肉瘦
薄骨節呈露如鶴之膝也行遲者亦因稟受肝腎氣
虛肝主筋腎主骨肝藏血腎藏精血不足則筋不榮
精不足則骨不立故不能行也鶴膝用六味地黃丸
加鹿茸以補其血氣血氣既充則其肌肉自生行遲
用地黃丸加牛膝五加皮鹿茸以補其精血精血既

足則其筋骨自堅凡此皆肝腎之虛也虛而熱者用
六味地黃丸虛而寒者用八味丸若手拳攣者用薏
苡仁丸足拳攣者用海桐皮散脾胃虧損腎臟虛弱
寒邪所乘而膝漸腫者佐以補中益氣湯及大防風
湯

治驗

一小兒體瘦腿細不能行齒不堅髮不茂屬足三
陰經虛也用六味丸補中益氣湯服年餘諸症悉
愈

一小兒六歲面色晄白眼白睛多久患下痢忽聲

音不亮腿足無力先用四神丸止其痢後用地黃
丸加牛膝五加皮鹿茸補其腎兩月餘漸能行半
載後其聲響亮後停食另用消食丸連瀉五七次
去後益頰五更侵晨爲甚聲音復瘖步履復難而
腿足作痛仍服前丸兼補中益氣湯而愈

一小兒七歲左腿自膝下至脛細小行步無力用
地黃丸加鹿茸五味子牛膝爲主佐以補中益氣
湯半載腿膝漸強而能步畢姻後其腿肉熱足心
如炙唾痰口渴余謂當補脾腎不信另用滋陰丸
痰熱益甚服四物黃柏知母之類飲食日少服二

陳青皮枳殼之類胸滿吐血服犀角地黄湯唾血
不時大便頻數復請視仍泥實火余辭不能治恪
服犀角地黄湯而唾血益甚不時發熱後復懇治
余曰兩足心熱唾痰口乾腎虛水泛也飲食少思
胸膈痞滿唾血不止脾虛失攝也晝發夜伏夜作
晝止不時而熱無根虛火也遂用四君子及八珍
湯地黄丸間服而愈

四神丸治脾虛胃弱大便不實飲食不思或泄利腹
痛等症

方見驚瀉

茂薏仁丸治稟受肝氣怯弱致兩膝攣縮兩手伸展

無力

當歸 焙

秦艽

薏苡仁

酸棗仁

防己

羌活 各一兩

右為末煉蜜丸雞豆大每服一九麝香荊芥湯下
海桐皮散治稟受腎氣不足血氣未榮脚指拳縮不

能伸展

海桐皮 半盞 牡丹皮

當歸 酒浸

熟地黃 酒浸各一兩

山茱萸

補骨脂 各五錢

右為末每服一錢葱白煎湯食前服

五加皮散治四五歲不能行

真五加皮

川牛膝

酒浸二日

木瓜乾

各等分

右為末每服二錢空心米湯調下一日二服服後
再用好酒半盞與兒飲之仍量兒大小

益氣養榮湯治氣血損傷四肢頸項等處患腫不問
軟硬赤白痛否日晡發熱或潰而不斂者並宜服
之

人參

茯苓

陳皮

貝母

香附

當歸

酒拌

川芎

黃芪

鹽水拌炒

熟地黃

酒拌

芍藥炒各五分

甘草炙

桔梗炒

柴胡各三分

白朮炒一錢

右薑水煎服大人倍用

八珍湯即四君四物二湯四物見急驚四君見肉鉤

四神丸方見驚瀉

六味丸

八味丸即六味丸加肉桂附子二方見腎

消食丸方見嘔吐乳

補中益氣湯方見虛羸

大防風湯方見鶴膝癰

四君子湯

方見內鈞

齒遲

經云齒者腎之標骨之餘也小兒稟受腎氣不足腎主骨髓虛則髓脉不充腎氣不能上營故齒遲也用地黃丸主之

治驗

一小兒三歲言步未能齒髮尤少體瘦艱立發熱作渴服肥兒丸不應余曰此腎虛疳症也蓋肥兒丸脾胃經之藥久服則腎益虛其疳益甚不信牙髮漸落余用地黃丸加鹿茸五味子半載而元氣

壯健

一小兒體瘦腿細行步艱辛齒不堅固髮稀短少
用六味地黃丸補中益氣湯年餘諸症悉愈形體
壯實

芎藭散治齒生遲或齒嚼物少力

芎藭

生地黃

山藥

當歸

芍藥炒

甘草各等分

右各另爲末每服二錢白湯調

地黃丸

方見腎臟

補中益氣湯

方見虛羸

咬牙

夫齒屬足少陰腎經牙齦屬手足陽明經小兒寤寐不時咬牙其所致之經不同或本於心經之熱或本於肝經之熱或本於脾肺腎經之熱若發熱飲水則哭而搐者心經實熱也睡困驚悸合面而臥者心經虛熱也面青目劓呵欠項強煩悶者肝經實熱也手尋衣領及亂捻物者肝經虛熱也發搐目青面赤肝經風熱也煩悶喘促見於申酉時者肺經熱也胸滿氣急喘嗽上氣肺感風寒也見於亥子丑時者腎經熱也眼目畏明及無睛光或解顱下竄胎稟腎虛也

發水口中氣熱胃經實熱也飲湯口中氣冷胃經
熱也發搐可欠面黃脾虛發驚也心經實熱用瀉心
湯虛熱用導赤散肝經實熱先用柴胡清肝散治肝
火後用六味九生肝血肝經風熱亦用前藥虛熱則
用六味九肺經實熱用瀉白散虛熱用保肺湯腎經
實熱用六味九減茱萸二兩以生地易熟地虛用地
黃丸胃經實熱用瀉黃散虛用異功散脾虛發驚用
五味異功散若乳母多食膏粱厚味致兒咬牙者用
清胃散

治驗

一小兒七歲素喜食甘味兩手發熱夜睡咬牙用
瀉黃散而愈後不守戒仍用大黃等藥前症益
甚更滯願弄舌手足冷余謂此脾胃復傷而虛甚
也用六君子加柴胡升麻治之漸愈又用五味異
功散加柴胡升麻而痊

一小兒面素痿黃或時變青飲食過多睡而咬牙
服剋伐之劑口舌生瘡大便泄青發搐痰盛唇青
手冷用六君加木香柴胡升麻數劑而安但飲食
後腹膨作噯用四君子湯爲細末不時煨薑湯調
服少許月餘而痊

一小兒十五歲盜汗面赤睡中咬牙自服清胃散
前症益甚更遺精晡熱口乾倦怠余用六味地黃
丸補中益氣湯而痊

一小兒十四歲素食膏粱灸燂睡中咬牙此脾胃
積熱先用清胃散及二陳黃連山查犀角各數劑
間服補中益氣湯而愈

一女子十四歲發熱作渴月經先期睡中咬牙此
肝脾二經虛熱也用加味逍遙散而安後因怒前
症俱作用柴胡梔子散而痊

一小兒夜間咬牙或盜汗或便血審其母懷抱

良醫抄 卷之五
結又蕪便血用加味歸脾湯加味逍遙散與母藥服其子亦愈

一小兒因母食膏粱醇酒睡中咬牙或時鼻衄右腮鼻準色赤先用加味清胃散加味逍遙散與母服兒亦愈

一小兒病後不語睡中咬牙驚悸飲水困倦少食用化痰鎮驚等藥益甚余謂屬心脾腎陰虛用六味地黃丸爲主佐以五味異功散秘古安神丸諸症頓愈

一小兒感冒風邪咳嗽喘逆不時咬牙右顙色赤

此肺經客熱用潔古黃芪湯一劑而痊後因停食
腹脹咳嗽鼻塞咬牙用六君子湯加桔梗桑皮杏
仁一劑而愈

一 小兒咬牙審知因母大怒先用小柴胡湯加山
梔牡丹皮治之母子並愈

潔古黃芪湯

人參

黃芪

茯苓

白朮

芍藥

乾薑

陳皮

藿香

各五
分

右水煎服

保肺湯

方見傷風咳嗽

柴胡梔子散

柴胡清肝散

二方見發熱

補中益氣湯

方見虛羸

小柴胡湯

方見瘧症

二陳湯

方見寒吐

瀉黃散

方見脾脹

瀉心湯

導赤散

秘旨安神丸

三方見心